

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar Admir Katica, (u daljem tekstu: Ugovorni organ) i

„R&S” d.o.o. Sarajevo, Igmanska bb, koje zastupa direktor Damir Pahor (u daljem tekstu: Dobavljač)

zaključili su:

UGOVOR
o nabavci usluga izrade i ugradnje šaltera sa staklom za potrebe
Ministarstva unutrašnjih poslova Kantona Sarajevo

Član 1.

Predmet ugovora je nabavka usluga izrade i ugradnje šaltera sa staklom za potrebe Ministarstva unutrašnjih poslova Kantona Sarajevo, Sektora za građanska stanja Novo Sarajevo.

Nabavka je izvršena na osnovu Odluke broj 04-1-11-4-7617/25 od 26.11.2025. godine. Ponuda Dobavljača broj 327-FŠ-25 od 16.10.2025. godine i Predračun broj 08/25 od 27.11.2025. godine čine sastavni dio ugovora.

Član 2.

Ukupna vrijednost ovog Ugovora, bez PDV-a iznosi 5.400,00 KM (pethiljadačetiristotine i 00 /100 KM).

Dobavljač se obavezuje da se ponuđene cijene, koje su date u ponudi u prilogu ugovora, neće mijenjati do isteka ovoga Ugovora.

Član 3.

Rok za izvršenje nabavke iz člana 1. Ovog ugovora je 15 radnih dana od dana obostranog potpisivanja ugovora, a najkasnije do 31.12.2025. godine.

Dobavljač se obavezuje da ugovorenu robu isporučiti u svemu prema propisima, standardima i normama kvaliteta koji važe za vrstu roba koje su predmet nabavke.

Član 4.

Ugovorni organ će ugovorenu cijenu plaćati u roku do 30 dana od dana izvršenja usluge iz člana 1. Ovog Ugovora i dostavljanja fakture.

Član 5.

Dobavljač se obavezuje da će izvršiti uslugu u skladu sa prihvaćenom ponudom i da će odmah postupiti po eventualnim primjedbama Ugovornog organa u pogledu, eventualnih nedostataka.

Ugovorni organ će utvrditi razuman rok za ispravku propusta Dobavljača.

Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ovim Ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u Ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorenog iznosa.

Član 9.

Ovaj ugovor izrađen je u četiri istovjetna primjerka, od kojih po dva zadržava svaka strana.



Broj: 2711/2025
Datum: 27.11.2025



Broj: 04-1-11-4-763-1/25
Datum: 27.11.2025. godine